

Den AMBIENTE



HOTEL PORTO PASEO TA CLA PA RICIBI ESNAN CU TA BAY PA FESTIVAL DI TUMBA NA CURACAO...



** E simpatica y bondadoso ROOSJE VAN HOOP di e prestigioso HOTEL PORTO PASEO, tabata na Aruba pa asina personalmente invita tur esnan cu tin pensa pa bay goza di e festival di Tumba na hermana isla Curacao. Roosje van Hoop a declara na DEN AMBIENTE cu e ta sumamente contento cu Hotel Porto Paseo a bati record di ta e hotel cu mas a ricibi e gran mayoria di e Arubianonan cu a bishita Curacao aña pasa. Esaki tambe a keda demostra cu Hotel Porto Paseo ta e CAS DI E

ARUBIANONAN NA CURACAO. No tin cuestion! ya cu Roosje mes ta percura pa tur nos Arubianonan kendenan e ta considera como su guestnan di

mas importante, ricibi un estadia di mas placentero cu ta posibel. Hendenan di Aruba ta unico y nan ta personanan masha dushi mes pa atende, asina un Roosje van Hoop sumamente emocionada a expresa na DEN AMBIENTE. Locual si ta hasie hopi tristo, ta na momento cu e hotel ta full ocupa, e mester manda nos Arubianonan pa un otro hotel. Roosje van Hoop a sigui duna bon comentario di tur e Arubianonan cu a yega di hospeda den Hotel Porto Paseo den e forma aki: "E turistanan Arubiano ta hendenan decente y semper ta luci nechi, semper nan a sa di laga nan habitacion manera nan a haye y nunca nos no a confronta cu ningun problema y reclamo di e Arubianonan, ta pesey

mes ta un grato placer pa ricibi e turistanan di Aruba". E super cariñoso Roosje van Hoop no tin palabra pa gradici tur e Arubianonan cu a deposita nan confiansa den

Hotel Porto Paseo y cu alaves a hasi e hotel aki nan CAS. Cu hopi alegria Roosje ta anuncia su lema pa aña 1997... "Si den aña 1996 Hotel Porto Paseo tabata e CAS di e Arubianonan, anto den 1997 Hotel Porto Paseo ta nan PALEIS. Na final Roosje van Hoop ta hasi un recomendacion pa tur esnan cu ta na caminda pa Curacao specialmente pa e festival di tumba, corda hasi bosnan reservacion na tempo na bosnan CAS, pa asina evita pa otro no goza den bo PALEIS.

VECENTE TROMP A SOLICITA PA GRABA UN C.D. DEN ARUBA RECORDING STUDIO...



** Ta hopi dolor di cabez Don Antonio Lacle a pasa na momento cu Vicente Tromp a bin solicita pa e studio, ya cu Vicente a existi pa studio inmediatamente..

** E Rey di Dande di tur tempo y e pilar di musica ranchera Vicente Tromp di e popularisimo Mariachi Lirio del Campo a solicita pa reserva Aruba Recording Studio, pa asina realiza nan grabacion pa un C.D. Esaki tambe lo bay ta nan prome disco compacto. Den conversacion cu Vicente Tromp e la declara cu e aña aki si nan a tuma e desicion pa graba un C.D. pa asina cumpli cu e tantisimo demanda. Mirando cu e demanda ta asina grandi, Vicente Tromp a dicidi di bay cumpli cu e deseo di su gran fanaticadanan. Mas Vicente Tromp no kier a divulga na DEN AMBIENTE ya cu ainda nan no a drenta studio di grabacion. Tur cos ta indica si cu pa ya otro siman nan lo cuminsa drenta studio di grabacion. Intencion ta pa graba 12 cancion, cual 10 ta musica ranchera canta na papiamiento y dos cancion di gospel cu ta inclui e tan gusta y pidi "Grandi bo ta".

ROBERTO JEAND'OR DEN FULL SWING PA SU C.D....

** Actualmente Robert Jeand'or ta trahando duro den Aruba Recording studio pa finalisa su C.D. Ya caba el a lansa su tema di carnaval "Action" cu tambe lo bay aparece riba e C.D. Robert Jeand'or a duna DEN AMBIENTE di conoce cu tur cos ta bayendo hopi bon y cu por spera un produccion di halto caliber manera semper. E meta ta pa lansa e C.D. aki despues di e temporada di carnaval, pa asina cada cancion cu ta aparece riba e C.D. haya su debido atencion durante aña 1997. DEN AMBIENTE ta desea Robert y su Solo Banda Show hopi exito cu su C.D...



** DEN AMBIENTE su "ACTION CAMERA" a gara Robert Jeand'or net na momento cu e tabata den su "ACTION"...